



Kategorije osiguranih lica, periodi na koje se odnosi oslobađanje od participacije i dokumentacija na osnovu koje Zavod utvrđuje oslobađanje od participacije su:

Djeca do navršениh 15. godina života:

- **period:** do kraja kalendarske godine, s tim da period važenja može biti i kraći ukoliko dijete u toj godini navršava 15. godina života a ne nalazi se na redovnom školovanju,
- **dokumentacija:** izvod iz matične knjige rođenih, izuzev ako su ta lica već evidentirana kao članovi porodice.

Učenici i redovni studenti do navršene 26. godine života (bez obzira na osnov osiguranja):

- **period:** do kraja važenja izdate potvrde o školovanju odnosno studiranja za kalendarsku godinu,
- **dokumentacija:** potvrda o redovnom školovanju, odnosno potvrda o redovnom studiranju, izdata od nadležne školske i visokoškolske ustanove za učenike i redovne studente od 15. do navršene 26. godine života, ukoliko potvrda nije već evidentirana u bazi podataka Zavoda.

Vojni invalidi s utvrđenim invaliditetom od 60% i više:

- **period:** do kraja kalendarske godine,
- **dokumentacija:** uvjerenje nadležne općinske službe kao dokaz o prizatom statusu ratnog i mirnodopskog vojnog invalida sa utvrđenim procentom vojnog invaliditeta.

Civilne žrtve rata i invalidi s utvrđenim invaliditetom preko 60%:

- **period:** do kraja kalendarske godine,
- **dokumentacija:** uvjerenje nadležnog centra za socijalni rad za civilne žrtve rata i invalide s utvrđenim invaliditetom od 90% i 100%, odnosno nalaz i mišljenje Instituta za medicinsko vještačenje zdravstvenog stanja Sarajevo, odjeljenje u Tuzli za invalide sa manjim procentom invalidnosti, a većim od 60%.

Članovi porodice šehida, odnosno članovi porodice poginulih ili umrlih boraca od posljedica ranjavanja, a koji su bili pripadnici Vojske Federacije Bosne i Hercegovine:

- **period:** do kraja kalendarske godine,
- **dokumentacija:** uvjerenje nadležne općinske službe kao dokaz o prizatom statusu člana porodice šehida – poginulog branioca.

Penzioneri čija penzija ne prelazi iznos minimalne penzije prema posljednjem objavljenom podatku:

- **period:** do kraja kalendarske godine,
- **dokumentacija:** odrezak posljednje penzije (čeka penzije) u tekućoj godini ili odrezak posljednjeg izvoda o prijemu penzije i kopija rješenja kao dokaz da se ne radi o srazmjernoj penziji.

Lica starija od 65 godina, ako nisu korisnici penzije ili drugih mjesečnih prihoda preko iznosa minimalne penzije prema posljednjem objavljenom podatku:

- **period:** do kraja kalendarske godine,
- **dokumentacija:** prijava na zdravstveno osiguranje po osnovu Ministarstva za rad, socijalnu politiku i povratak ili Ministarstva za boračka pitanja i uvjerenje Poreske uprave FBiH iz kojeg proizilazi da navedeno lice ne ostvaruje mjesečne prihode preko iznosa minimalne penzije prema posljednjem objavljenom podatku.

Osigurana lica – šticenici socijalnih ustanova:

- **period:** do kraja kalendarske godine,
- **dokumentacija:** rješenje mjesno nadležnog centra za socijalni rad o smještaju osiguranog lica u ustanovu socijalne zaštite.

Osigurana lica – korisnici socijalne zaštite:

- **period:** do kraja kalendarske godine,
- **dokumentacija:** prijava na zdravstveno osiguranje po osnovu Ministarstva za rad, socijalnu politiku i povratak.

Raseljena lica i izbjeglice, ako nisu korisnici penzije ili ako im drugi mjesečni prihod ne prelazi iznos minimalne penzije prema posljednjem objavljenom podatku:

- **period:** na šest mjeseci,
- **dokumentacija:** uvjerenje nadležne gradske/općinske službe za raseljena lica i uvjerenje Poreske uprave FBiH iz kojeg proizilazi da navedeno lice ne ostvaruje mjesečne prihode preko iznosa minimalne penzije prema posljednjem objavljenom podatku.

Za osigurana lica koja su davaoci krvi i to lica koja su darovala krv 10 i više puta:

- **period:** do kraja kalendarske godine,
- **dokumentacija:** karton (knjižica) davaoca krvi izdat od nadležne zdravstvene ustanove, odnosno potvrda ili drugi dokument nadležne zdravstvene ustanove.

Osigurana lica – davaoci dijelova ljudskog tijela u svrhu liječenja:

- **period:** do kraja kalendarske godine,
- **dokumentacija:** potvrda zdravstvene ustanove iz koje proizilazi da je osigurano lice davalac dijela ljudskog tijela u svrhu liječenja.

Osigurana lica koja su prijavljena kod službe za zapošljavanje u svojstvu nezaposlenog lica (bez obzira na osnov osiguranja):

- **period:** na tri mjeseca,
- **dokumentacija:** prijava na zdravstveno osiguranje po osnovu JU Službe za zapošljavanje, odnosno uvjerenje JU Službe za zapošljavanje za osigurana lica koja su prijavljena kod Službe za zapošljavanje u svojstvu nezaposlenog lica, ali pravo na zdravstveno osiguranje ne ostvaruju putem iste.

Djeca od 15. do 18. godine života koja su ocijenjena kao trajno nesposobna za samostalan život i rad, a prijavljena su na zdravstveno osiguranje kao članovi porodice roditelja:

- **period:** do kraja kalendarske godine s tim da period važenja može biti i kraći ukoliko dijete u toj godini navršava 18. godina života,
- **dokumentacija:** izvod iz matične knjige rođenih i rješenje o trajnoj nesposobnosti za samostalan život i rad, izuzev ako su ta lica već evidentirana kao članovi porodice do 18. godine života.

Premija osiguranja za 2018. godinu važi do 31.03.2019. godine

Riad Kurtalić, dipl.žurnalista

Stručni saradnik za odnose sa javnošću

Zavod zdravstvenog osiguranja Tuzlanskog kantona

++387 35 300 626

info@zzotk.ba

www.zzotk.ba



Zavod zdravstvenog osiguranja
Tuzlanskog kantona Tuzla